



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 66. Libellus supplex pro Joanne Husso a Bohemis oblatus.

[urn:nbn:de:hbz:466:1-66272](#)

Sæcul. XV.

A.C. 1415.

§. LXVI.

*Libellus supplex pro Joanne Husso a Bohemis oblatus.**Vander Hardt tom. 4
p. 306.*

Cum Bohemi Proceres nullum responsum a Concilio retulissent, iterato supplices obtulerunt literas, exponentes, Joannem Hussum pluribus declarasse, se a via veritatis nunquam recessurum, nec ullum unquam errorem deinceps traditum; addebant, propositiones ex ejus libris excerptas, ab ejus adversariis mutilatas, atque adulteratas fuisse, eo dunat consilio, ut Virum falsis criminibus impune perderent: Ut vero Husse innocentiam, atque Orthodoxiam vindicarent, testimonium, quod Inquisitor hæreticæ pravitatis Pragæ in Mense Augusto Anno supra millesimum quadringentesimo decimo quarto in ejus favorem dederat, produxerunt, tandemque ad calcem libelli eum e carcere dimitti rogarunt, ut recuperatis viribus, atque sanitate suis Censoribus respondere posset, idcirco idoneam polliciti cautionem, eum, antequam sua caussa penitus finiretur, e judicium manibus nunquam elapsurum.

§. LXVII.

Responsum Patriarchæ Antiocheni ad Bohemorum libellum.

His Patriarcha Antiochenus nomine
Conci-